

nimirum Augustamniam ab Ægypto, & Pentapolim ab Libya fictiore dissociatam. Sed postea Arcadium sextam provinciam addidere ab Arcadio Imperatore nominatam.

Eundem provinciarum numerum habet in Ægypto Notitia Romani ^a Imperii, ^b Ex Not. Imp. Rom. cuius verba sunt:

*Sub dispositione viri spectabilis Præfecti Augustalis, Provincia
infra scripta.*

Libya superior.

Libya inferior.

Thebaïs.

Ægyptus.

Arcadia.

Augustamnica.

Quod continetur inter Agathosdæmonem & Bubasticum amnes, id propriè & specialiter Ægyptus dicitur, ut ex Novella 8. Justiniani discere est.

Augustamnica extra parvum Delta inter Nilum & Arabiam Petræam jacet: dicitur autem Augustamnica, quasi fluvialis provincia, quippe quæ juxta ripas fluminis sita erat.

Thebaïs à Thebis celebri ipsius antiqua Metropoli nomen habet: & usque ad Syenem versus Meridiem, juxta Nili ripas, extenditur.

Arcadia extra Delta est Libyam versus, Nilo tamen adhærens, à Ptolemaeo ^b in Libya Marmarica collocatur, à quo & Heptanomis dicitur, quod ^b Ptol. Ibidem. septem haberet Præfecturas, quæ Nomi in Ægypto vocabantur; sicut & Heptapolis à septem civitatibus Nilo adjacentibus, quæ variè à variis numerantur.

Libya scilicet exterior, duplex est, una dicta Marmarica, quæ ab Ortu Ægypto terminatur, ab Occasu Cyrenaica, seu Pentapoli, à Meridie desertis Libyæ, & à Septentrionibus Ægyptiaco Pelago.

¹ Altera Libya Pentapolis dicitur, à quinque ejus præclaris urbibus, Berenice, Arsinoë, Ptolemaïde, Apollonia & Cyrene, à qua etiam Cyrenaica vocatur; terminosque habet ab Occasu lineam ab Aris Philænorum ad Catabathmum ductam; à Septentrionibus Libycum mare; ab Ortu lineam ductam à Darnis versus Meridiem usque ad desertam Libyæ interioris, quæ hanc terminant à Meridie.

Attamen Ægyptus in duas provincias postea divisa est, utrique servato Ægypti nomine, ut legitur apud Justinian. ^c qui etiam duas Augustamnias ponit, licet unam tantum agnoscat Notitia, quam ab Ægypto Gratianus Imperator ^d diviserat; quamque plures quasi Augustamniam, id est, fluvialem provinciam interpretantur.

Cæterum Ægyptus supra omnem orbem viris sapientibus abundans legitur in Notitia antiqua Græca ^e. Ex Metropoli quippe ejus Alexandria, per omnes provincias videas omnis generis Philosophos. Quare & cum aliquando certamen inter Ægyptios & Græcos obortum fuisset, utris principatus deberetur, argutiores & perfectiores Ægyptii inventi sunt, viceruntque, & Principatus eis adjudicatus fuit. Denique impossibile est in quocumque tandem genere volueris sapientem talem invenire, cujusmodi Ægyptii sunt. Quare & omnes ii Philosophi, scientiamque litterarum adsecuti, qui ibi morati sunt, præstantiores evaserunt. Neque etiam ulli apud eos inferiores sunt, verum singuli eorum quod pollicentur certo sciunt: eo quod non omnes omnia, verum singuli sua negotia per singularem disciplinam ornantes, perficiant.

Alex-

NOTÆ LUCE HOLSTENII.

¹ Altera Libya] Libyam Pentapolitanam S. Athanasius ad Solitarios pag. 858. τὴν ἀπὸ Πενταπόλεως vocat, ubi Secundum Episcopum Arrianum constitutum commemorat, quem supra pag. 853. Secundum Pentapolitam vocaverat.